

Xujun xi ma joho xi kits'ínntu ndá postru Pedro

B'i ts'ín kikjaniñahá Pedro xuta níinku

¹ An Simon Pedro, an ndá musu síhin ko ndá postruhu Jesucristo títs'inkjínuu xujuin jun xi ja ta kin'ekjóhoon nga s'ejinnu Ntianá xi nkúhu jin, tu ngat'ahá nga naxu kits'ín Jesucristo, kui xi Ntianá ko kui xi ts'ínk'anKiná. Ndahankjún tjín nga s'ejinnu.

² Kas'e nkjúnnu kjuanda ko kjuajyu at'ahá yo Ntianá ko Jesucristo xi Ndá Ntianá maha.

B'i ts'ín tsakúya Pedro xi nkú ts'ín tjílin nga k'úentu xuta xi ts'e Ntianá

³ Ngat'ahá kjuachánkahá ko kjuandahá Ntianá j'ájihinná. Ko tu ngat'ahá nga yaá xi j'ájinná, b'a ts'ín nga'yúhun kitsjákohoná ngayjee ni xi machjénná, tu xi kuintsuba tít'uhunná ko tu xi chankjúhunná Ntianá. ⁴ B'a ts'ín kitsjáhaná ni xi kitsúya titjun, xi 'yún chjí ko xi 'yún chánka, tu xi b'a ts'ín kuiyúhun ruu ni xi nchjahá animahá xuta, ni xi títs'ínkatsúhun asunntei, tu xi sakúhunnu nga kuintsuba tít'un xi nkú ts'ín tíjña tít'un Ntianá.

⁵ Nk'ie nga ja s'ejinnu Ntianá n'e kjuayúhun yjonnu nga t'esún sohoo nga kixi tankinkoo yjonnu. Ko nga kixi tibankinkoo yjonnu t'esún sohoo nga mankjinnu ni xi ts'e Ntianá. ⁶ Ko nga mankjinnu t'esún sohoo nga ja manu b'ech'ó suboo yjonnu ni xi tjín asunntee. Ko nga ma

b'ech'ó suboo yjonuu t'esún sohoo nga tjínnuu kjuatsenta. Ko kjuatsentoo t'esún sohoo nga týankjún Ntianá. 7 Ko nga týankjún Ntianá t'esún sohoo nga tín'etjó xuta ninku, at'ahá kui xi já nts'o maha. Ko nga tín'etjó xuta ninku t'esún sohoo nga tjínnuu kjuatjo.

8 At'ahá tsa b'a n'e kuintsuboo ko tsa tu nkú b'a n'enú, kama ndjuút'a ní xi já yohoo Nda Ntianá Jesucristo. Kui nij xi kuasinkonuu nga nda n'etjusun ni xi n'o ko najmi kuintsuba ts'o. 9 Tunga xi najmi b'a ts'ín tjíntu, kui xi najmi ma chjihi. Ka ma. Títs'inchaya nga ja tsichu ma jehe ngatitsun xi kis'ehe nistjin nk'ie.

10 Kui b'a maha, já nts'e, n'e kjua'yún sahaa ruu yjonuu nga takúchjiu nga kjuaxi nga Ntianá ja kinchjanuu ko j'ájinnuu. At'ahá tsa b'a n'e kuintsuboo, ndahachí najmi kuankíún t'axíhuu Ntianá. 11 B'a ts'ín k'uainte tsjo tsjohonuu nga kuitjás'oon má batéxuma sín Nda Ntianá Jesucristo. Kui xi ts'ínk'ankiná.

B'i ts'ín títsuya Pedro mí kjuaha nga tu nkú tibakúyahá raq xuta ninku

12 Kui nga ts'inkj'áitsjen tehentehenuu ni xi tib'et'ánuu, ndaha tsa ja yo ko ndaha tsa ja ndjá tinchajiuu ni xi naxu tjín xi ja yo. 13 An kjinena nga ts'inkj'áitsjennu niu nk'ie nga tijñaya sa yjoninte xu'bi. 14 At'ahá ja be nga chubahá ndyjahá nga k'uejñá yjoninte xu'bi, xi nkú ts'ín y'éjña chjina Nda Ntianá Jesucristo. 15 Ko ts'ian nga'yún, nga nk'ie nga ja k'uejñá qasunntei, tu nkú n'ekjáitsjennu ni xi tíxinuu.

16 Nk'ie nga tsixínyaihi xi nkú ts'ín kj'uaí Ndantianá Jesucristo, xi nkú ts'ín kj'uaíko nga'yún chánkahá, najmi én tsank'á xi najmi chumi ni chjíhi rä kin'echjéin. Kjuachánkahá ní y'ejña chiji, kui xi tunkuin tunkuin kiyahani. **17** Ntia Na'miná kitsjáhá nga chankjún ko nga s'ehé kjuachánka nk'ie nga kinu'yá ntahá Ntianá xi tu xí tjihín rä kjuachánka. B'i kitsú: "Kui xu'bí xi Ntina. Tjona ko tsjo mana." **18** Jin kinu'yá ntahá xu'bí xi nibaha nk'a jáñ nk'ie nga tintsubakoi Jesucristo tjennkjí xi má kama kjuankjúun.

19 B'a ts'ín bitju naxuhu én xi kinchja já profeta nk'ie. Nda tín'o tsa tibasinñjuhu éen. Kui xi nkú joyaha ndí xi tib'at'ai má jyuun santa nkúhu nga kuichú ma sen nistjin xi ma ndyjuun ko niñu xi ma chji nga ta jyuun ts'ín ndzjen ajin animanuu. **20** Katumankjinnuu nga ndaha nku ni xi kinchja já profeta, xi tjít'a xujun éhen Ntianá, najmi ma mjenaxaqá xi nkú ts'ín mjená. **21** At'ahá najmi animaha xuta nibaha ni xi kinchja já profeta. Espirituuhu ní Ntianá kits'ín nga kinchja xuta én xi nibahá rä Ntianá.

2

B'i ts'ín tsakúya Pedro ni xi ts'ín já maestru tsank'á xi tjínjihin xuta ninku

1 Ajihin xuta xi ntje judio tjeñen rä kis'e já profeta tsank'á, xi nkú nga ta ts'ín s'e ajinnuu já maestru tsank'á. Kui xi já mañá xi ngakjá kuakúya ni xi ts'e Ntianá. Kj'áí ni xi kuakúyanuu, kui xi ts'íinkatsúnnuu. Najmi ts'íinkie yjohó nga Ndá Ntianá xi ts'asjejhíin. B'a ts'ín kitsa ts'íin

nibánehé rā yjohō nga n'ekje. ² Nkjin xi incha ts'íin ni xi incha ts'íin joō, ni xi tū subahá maná. Kui ngat'ahá joō ch'on ts'íin chubayanéhe ni xi nāxū tjín. ³ Tū ngat'ahá nga 'yún incha mjehē toon, kui nga k'uañachahañū nga kjé'anū ni xi ts'ajun. Ngat'a ts'e joō ja nd'ai tjíndahá rā yjohō xi ts'ínnijéhē rā. Ja tijña nda nistjin nga n'ekje.

⁴ Nistjin nk'ie Ntianá najmi kits'índyjat'ahá ntítsje xi incha kits'íin ngatitsun. Ajin ngak'ien ní kikj'aníkj'aya. Má jyuun kingjáya'yún, tjíntu ndā nga n'ekokjua. ⁵ Kō tā ndaha najmi kits'índyjat'ahá xutā xi kis'e nú chá ján. Ntá kits'ínkjekohó xi najmi kikienkjúhun. Tunga máha Noe, kui xi y'énijmí ni xi nāxū tjín, kui xi kin'enk'anki kō yatu sa xuta.

⁶ Tā y'éjñanehē Ntianá nga n'ekje nanki Sodomā kō nanki Gomorra. Tū nasuhú kits'íin ma nāxinantóo. B'ā ts'íin y'éjña nkjúhun rā xutā xi s'e askahan xi najmi skuenkjún Ntianá. ⁷ Tunga kits'ínk'ankihí Lot, kui xi nkū ndā xi nāxū kits'íin, xi un kiciehē nga kicie xi nkú ts'íin y'entu xutā ch'onk'un xi kitsjántehé yjohō nga kits'íin tū mí nihí ni. ⁸ At'ahā ndā xu'bí xi nāxū kits'íin, xi y'ejñajihin xutā xu'bó, xkí nistjin un nkjún kiciehē nk'ie nga kicie kō kint'é ni ch'onk'un xi kits'íin joō. B'ā kamahā qat'ahá je tjíyahá.

⁹ Kui b'ā maha, ngayjee niij bakúchji xi nkú ts'íin Ntianá mahá b'asjenki xutā xi benkjúhun ajihin ni xi nibánehé, kō be xi nkú ts'íin kuyákó xutā xi najmi nāxū ts'íin, xi tjíhin nga un skuehē̄ nga kuichú nistjin nga chaséhē̄ mí nihí xi kits'íin nga nkunkú xutā. ¹⁰ Kō 'yún un skuehē̄ xi tjíntujín ni chuntí xi nchjahá animahá kō najmi benkjún xi tjíhin xá

nk'a ján. Kui jóo xi si ko tu mí nihí ni xi incha ts'ín. Najmi tsankjún nga ch'on ts'ín nchjayane xi i nk'a ján. 11 Tunga ntítsjee, ndaha tsa 'yún tjíhin nga'yún ko nga nk'a tjen nga já xu'bo, najmi ch'on ts'ín nchjayane xi ch'onk'un xi tjíhin kjuachánka ko najmi batéjéne nginkun Ntjaná.

12 Tunga máha já xu'bo, chuba ch'ohón ts'ín nchjane ni xi najmi mankjihin. Kui xi nkú joyaha chu. Najmi maha ts'ínnkjink'un. Chuba tjíntuhú nga ts'ín ni xi nibá suba kuihi. Kui xi xi nkúhu chu xi nuba ko n'ek'ien. Kui nga ndyjaha jóo xi nkúhu chu. 13 Ts'íinkjáhin chjhíhi ni ch'onk'un xi incha ts'ín. B'a tsu nga sakúhu kjuatsjo nk'ie nga títs'íntsjojín tu mí ni ch'onk'uhún ni nga nistjiun. Kui jóo xi nkú joyaha chuntí ko tsjíán ajinnu. Santaha ts'íntsjojín kjuanajmindaha nk'ie nga kjinekonu niñu.

14 Najmi ma be nda nku tachjuun. Najmi mjét'íahu nga ts'ín ngatitsun. B'anachha xuta xi najmi ndjá tíincha. Tu ni xí kitsa xáhá ts'ínnkjink'un nkú ts'ín sakúhu ra toon. Ni xi ts'ín, kui xi ngjuaikoho má nga ndyja. 15 Ja ngji t'axíhin ni xi naxu tjíhin ko ja kindyajihin, kui nga b'a tíincha ts'íhin xi nkú kits'ín nda profeta Balaam xi ntíhi Beor. Kits'ín mje toon Balaam ko j'áchjí nga kits'ín ni xi najmi nda. 16 Tunga kichubatikoho ngat'ahu ngatitsuhun. Búrrúhu, chu ch'a xi najmi maha nchja, ntahu xuta kik'a nga y'éch'oho Balaam nga ts'íin kjualuku xi títs'ín kai.

17 Já xi tib'anachha xuta, kui xi nkú joyaha ntá tixa xi najmi tjíhin ntá, ninti xi tu má fikoho ra ntjo. Kui xi tjehen ra má tu xí jyuhún. 18 Incha nchja én

ngak'un kó én xi najmi tjíhín sin. Bakúya nga ma n'e ni xi nchjáhá xúta kó nga ma ts'ín tu mí nihí ni. B'a ts'ín b'anacháhá rá xi ás'ai kikjexíhín yjoho ajihín xúta xi tjíntujín ni xi najmi b'a tjín. ¹⁹ Ndaha tsa ni xi ts'ínkatsúhún xúta tjí'yúhún, tunga chubá b'ahá incha tsu nga ts'íín ndaíhi xúta. Tjí'yún joo, at'aha ni xi ts'ín ngananá, kui xi b'é'yúnná.

²⁰ Tsa ja incha tsankin t'axíhíín ni ch'onk'un xi tjín asunntej at'aha kin'ekjáhíín Ndá Ntianá Jesucristo xi b'asjejinná, tunga tsa ta kuijnejihín ngáhaná kui niu kó n'endyjaháá, 'yún ch'onk'un ma sahá akahan. ²¹ Kui nga tu sahá rá nda tjín tsa najmi kikie joo ni xi naxú tjín, at'aha 'yún kama ch'onk'un sa nga kikie ni xi ndoo. B'a kamaha nga ngji t'axíhin kjuatéxuma je xi kik'aihi. ²² Tíbitjusunjíhín joo én xi nchjá xúta: "Nañoo ta kjine ta ma ngáha ni xi bisuhú. Chinká xi ás'ai mama kabinguya tím'otikjájin yjoho siu."

3

*B'i ts'ín tsakúya Pedro nk'ie nga kj'uaí ts'ínkokjua
Ndá Ntianá Jesucristo asuntee*

¹ Tjona jun, já nts'e. Xu'bí xi xi ma joho rá xujun xi títs'inkjínyu. Xujun xu'bí kó xi tjuun y'et'ánuu tu xi n'ekj'áitsjehennu ni xi ja tsakuyánuu. B'a kits'ian tu xi cháhanu xi nkú ts'ín s'eyahánuu. ² N'ekj'áitsjohoón yjonuu én xi kinchja já profeta je xi kis'e nistjin nk'ie kó kjuatéxuma xi tsakúyanuu já postru, kjuatéxumahá Jesucristo xi Ndá Ntianá maha kó kui xi ts'ínk'ankiná.

³ Katumankjin sisinnuu nga nistjin xi fekuu s'e xi k'uéntujín ni ch'onk'un xi nchjáhá animahá

kó kuajnu^{ukie} én xi ja kin'ekjóh^oon. ⁴ B'i incha kuitsu: “¿Á najmi tsitjusuhun én xi kitsúhu nga kj'uái ngáha? B'aha ra nistjin nga k'ien ntje cháná santaha nd'ai, tu nkú b'ahá tíma asunntej xi nkú kama nk'ie nga as'ai kamandahá.”

⁵ Najmi mjehé ts'iinkj'áitsjen nga nistjin nk'ie én xi tsitjuhu ts'a Ntjaná kits'índakohó nk'a jáñ kó t'anankiu. Kui t'anankiu xi ajin ntánijuo nibahahá ra kó ngat'ahá ntánijuo kis'ejñaha. ⁶ Kó ngat'ahá ntánijuahá ts'í xi 'yún kits'oq kin'ekjehe t'ananki xi kis'ejñá nistjin nk'ie. ⁷ Tunga máha nk'a jáñ kó t'ananki xi tijña nd'ai, kui xi ta kuihi éhen Ntjaná tib'ejñá ndahá tu xi k'uyétihi. Tís'ejñá nda santa nkúhu nga kuichú nistjin nga chasehe mí nihi xi kits'ín nga nkunkú xuta kó nga n'ekje xuta xi najmi kikienkjún Ntjaná.

⁸ Tunga najmi tu n'echayanú ni xu'bi, já nts'ena. Nginkun Ntjaná nku nistjin, kui xi nkú joyaha nku miju nú. Kó nku miju nú, kui xi nkú joyaha nku nistjin. ⁹ Najmi títs'ínk'andaya Ntjaná nga ts'iintjusun ni xi kitsuya titjun, at'ahá k'ua xi b'a maha nga títs'ínk'andaya. Tibakú nínuu kjuatsentahá Ntjaná, at'ahá najmi mjehé tsa tjín xi ndyja. Mjehé nga ngatentee xuta ngjuaikj'áhá ra animahá.

¹⁰ Xi nkú ts'ín tu ndyjaháná nga f'ai nku nda ndyjé, b'a kama nistjin nga kj'uái ngáha Nda Ntjaná. Kui nistjiun ndyjajihinsén nk'a jáñ nga ni xi nkjún ts'ín kjuaneya, kó kamanantá nga kuiti ni xi kamandakohó ni xi tjín. T'anankiu kó ngayjee ni xi tjihin kuiti.

¹¹ Kui b'a maha, tsa b'a ts'ín n'ekatsún ngayjee

niu, ḡnkú ts'ín tjíhin nga kuitsubo ni ma? Tjíhin nga je kuintsubo kó chānkJún Ntjaná ¹² kó nga kāmangimjenuu nga kuichú nistjin nk'ie nga ts'iín Ntjaná ni xi kitsú nga ts'iín, nistjin nk'ie nga kuiti kó n'ekje nk'a ján kó nga nd'iú ts'iínnantá ni xi tjín. ¹³ Tunga máha ñá, tichuyáá nku nk'a tsétse kó t'ananki tsétse, xi nkú ts'ín kitsúya titjun Ntjaná. Yohó má nga naxu kuintsuba nginkun Ntjaná.

¹⁴ At'aha tichuyóhoo ni xu'bi, jántsena, kui nga tjen nga'yúhun ruu yjonuu tu xi s'ehenuu kjuajyu nginkun Ntjaná kó tu xi najmi s'ehe ajinnuu ni xi chuntí kó tsa ni xi chubayané. ¹⁵ T'ejintak'un, tibakúchjiná kjuatsentaha Ntjaná tu xi títsjántehená nga k'uankiá. Ni xu'bi ja ta y'ét'anuu nda nts'enä Pablo. Kui xi xi nkú ts'ín tíjña kjuankjintak'un xi kitsjáhá Ntjaná, b'a ts'ín yét'a. ¹⁶ Nga nkunkú xujun xi kits'ínntu ta kui ni xu'bi kinchjanijmíyaha. Tjín ni xi y'ét'a xi 'ni mankjihin xutá. Kui niu xi fiko ngakjá xutá xi najmi be sisin ni xi ts'e Ntjaná kó xi najmi ndjá tíinchajin ni xi s'ejinná. Fiko ngakjá niu xi nkú ta ts'ín ta fikongakjá ni xi ja ta tjít'a. B'a ts'ín ta kuihi títs'ínkjihí yjoho má ndyja.

B'i ts'ín kits'ínkje Pedro xujuin

¹⁷ Kui b'a maha, já nts'enä, ja yo ni xu'bi. Kui nga chuhun ruu yjonuu tu xi najmi kjébéfehenuu kjuab'anachahá já ch'onk'uun, kó tu xi najmi kuankin t'axihin ruu ni xi ndjá tinchajin. ¹⁸ Kasájin so kjuandahá Jesucristo kó kaya so ni xi ts'e, at'ahá kui xi Ndá Ntjaná maha kó ts'ínk'ankiná. jN'ekié yjoná nga tjíhín kjuachánka nd'ai kó santaha tu nkjéhé ni! B'a katuma.

**Éhen Ntianá
New Testament in Mazatec, Jalapa de Díaz
(MX:maj:Mazatec, Jalapa de Díaz)**

copyright © 2013 Wycliffe Bible Translators, Inc.

Language: Mazatec, Jalapa de Díaz

Translation by: Wycliffe Bible Translators, Inc.

Mazateco, Jalapa de Díaz [maj], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Jalapa de Díaz

© 2013, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

x

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
e05183c2-7c34-5cdd-8c78-15ea51bd8cbb